

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj: 12-1659/18

Dana: 03.05.2018

Na osnovu člana 64. stav (1) tačka b), člana 70. stav (1) i (3), Zapisnika o pregledu i ocjeni ponuda i preporuke Komisije za javne nabavke (br: 12-1633/18 od 25.04.2018. godine) i člana 95. Statuta Univerziteta u Sarajevu, D e k a n Elektrotehničkog fakulteta u Sarajevu, *donio je*

O D L U K U
o izboru najpovoljnijeg ponuđača

I

Ugovorni organ (Elektrotehnički fakultet u Sarajevu), prihvata preporuku Komisije (br:12-1633/18 od 25.04.2018. godine) za izbor najpovoljnije ponude za pružanje usluga fizičke zaštite objekata za potrebe Elektrotehničkog fakulteta u Sarajevu do kraja kalendarske 2018. godine (JRN 79713000-5), koja se provodi u skladu sa članom 88. Zakona o javnim nabavkama Bosne i Hercegovine ("Službeni glasnik BiH" broj: 39/14), a na osnovu Odluke br: 12-1116/18 od 13.03.2018. godine, te je kao ponuđač izabrana Agencija za tehničku i fizičku zaštitu „Middle point electronics“ d.o.o. Sarajevo, jer je ponudila najnižu cijenu prihvatljive ponude – 15.040,00 KM bez PDV-a.

II

Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i objavljuje na internet stranici ugovornog organa.

OBRAZLOŽENJE

Elektrotehnički fakultet u Sarajevu je uputio poziv za nabavku usluga - „Pružanje usluga zaštite objekata Elektrotehničkog fakulteta u Sarajevu do kraja kalendarske 2018. godine“ i objavio Obavještenje o nabavci na portalu Agencije za javne nabavke (br: 5714-7-2-15-3-2/18 od 30.03.2018. godine).

Na navedeni poziv prijavilo se ukupno 6 (šest) ponuđača i to:

1. Agencija za zaštitu ljudi i imovine "INZA" d.o.o. Sarajevo (br. 12-1470/18 od 16.04.2018. godine),
2. Agencija za zaštitu ljudi i imovine "SWORD SECURITY" d.o.o. Sarajevo (br. 12-1475/18 od 16.04.2018. godine),
3. Agencija za fizičku i tehničku zaštitu ljudi i imovine "CONDOR" d.o.o. Zenica (br. 12-1476/18 od 16.04.2018. godine),
4. "SECTOR SECURITY" d.o.o. Banja Luka (br. 12-1481/18 od 16.04.2018. godine),
5. Agencija za fizičku i tehničku zaštitu "MIDDLE POINT ELECTRONICS" d.o.o. Sarajevo (br. 12-1483/18 od 16.04.2018. godine) i
6. "UNILAB" d.o.o. Sarajevo (br. 12-1484/18 od 16.04.2018. godine).

Komisija za provođenje postupka javne nabavke imenovana je Rješenjem Dekana Elektrotehničkog fakulteta u Sarajevu (br. 12-1398/18 od 09.04.2018. godine).

Komisija za provođenje postupka javne nabavke dostavila je Dekanu Zapisnik o pregledu i ocjeni ponuda (br: 12-1633/18 od 25.04.2018. godine) sa prijedlogom za donošenje odluke o izboru najpovoljnijeg ponuđača u postupku javne nabavke - „Pružanje usluga zaštite objekata Elektrotehničkog fakulteta u Sarajevu do kraja kalendarske 2018. godine“ .

U postupku po Zapisniku o pregledu i ocjeni ponuda utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, o čemu je sačinila Zapisnik u kojem je utvrđeno sljedeće:

- ukupan broj pristiglih ponuda je 6 (šest),
- sve ponude su blagovremeno zaprimljene,
- ukupan broj prihvatljivih ponuda je 5 (pet).

Iz Zapisnika o pregledu i ocjeni ponuda je vidljivo da jedan ponuđač, Agencija za zaštitu ljudi i imovine "INZA" d.o.o. Sarajevo (ponuda br. 12-1470/18 od 16.04.2018. godine) ne ispunjava uslov preciziran tenderskom dokumentacijom o minimalnom broju zaposlenih radnika sa certifikatom fizičke zaštite. Naime, navedeni ponuđač dostavio je Spisak osoblja (br: 858-04-18 od 11.04.2018. godine) sa obrazovnim i profesionalnim kvalifikacijama izvršioca usluge iz kojeg je vidljivo da posjeduje 3 (tri) radnika sa certifikatom fizičke zaštite, dok je uslov bio da ponuđač ima minimalno 5 (pet) zaposlenih radnika sa certifikatom fizičke zaštite. Iz ovog razloga, komisija je odbacila ponudu Agencije za zaštitu ljudi i imovine "INZA" d.o.o. Sarajevo zbog neispunjavanja uslova o profesionalnoj i tehničkoj sposobnosti.

U postupku donošenja ove Odluke, posebno su cijenjene činjenice da je Komisija za javnu nabavku pravilno i potpuno izvršila ocjenu kvalificiranosti ponuđača kao i ocjenu pristiglih ponuda, u skladu sa kriterijima utvrđenim u tenderskoj dokumentaciji.

U postupku ocjene provedenog postupka, Dekan Elektrotehničkog fakulteta u Sarajevu, nije našao razloge nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku.

U skladu sa navedenim, u postupku je ocijenjeno da je Komisija za javnu nabavku u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima kao i tenderskom dokumentacijom.

Najpovoljniji ponuđač za pružanje usluga fizičke zaštite objekata Elektrotehničkog fakulteta u Sarajevu do kraja kalendarske 2018. godine je:

- 1) Agencija za fizičku i tehničku zaštitu "MIDDLE POINT ELECTRONICS" d.o.o. Sarajevo, ul Džemala Bijedića 35. , 71000 Sarajevo.

Ponuđač Agencija za fizičku i tehničku zaštitu "MIDDLE POINT ELECTRONICS" d.o.o. Sarajevo je izabran primjenjujući kriterij najniža cijena, pri čemu ponuda navedenog ponuđača iznosi 15.040,00 KM bez PDV-a.

Drugi ponuđači čija je ponuda također prihvatljiva, ponudili su sljedeću cijenu:

1. "CONDOR" d.o.o. Zenica - 15.481,60 KM bez PDV-a,
2. "SWORD SECURITY" d.o.o. Sarajevo - 18.424,00 KM bez PDV-a,
3. "UNILAB" d.o.o. Sarajevo - 18.480,00 KM bez PDV-a,
4. "SECTOR SECURITY" d.o.o. Banja Luka – 24.960,00 KM bez PDV-a

čime je utvrđen njihov sukcesivni red.

Na osnovu naprijed navedenog, donijeta je Odluka kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Dostaviti:

- Ponuđačima
- u spis
- a/a

